



1. ILEARN hi zaidah si?

ILEARN eu nan fale taang 3-8 a kai liomi nih Indiana Academic Standards ningin Biology le US government an cawnmi zeil fluk dah an thiam ti theih khawhnak ding ah online le computer in hniksahnak (test) fhar an tuahter dingmi hna a si. ILEARN hi state le federal nih hnatlakmi pahnih komh in Indiana siangngakchia sining tahnak i hman dingmi ah tuahmi a si.

Cawnmi	Cataang
ILEARN English/Language Arts	Taang 3 - 8
ILEARN Mathematics	Taang 3 - 8
ILEARN Science	Taang 4 le 6
ILEARN Social Studies	Taang 5
ILEARN Biology End-of Course Assessment (ECA)	High School*
ILEARN U.S Govt. End-of Course Assessment (ECA)	High School*



2. Computer-adaptive assessment hi zeidah a si i kan fale caah zeidah a thathnemnak si?

Computer-adaptive assessment hi siangngakchia an ti khawh ning hoih in test tuahter dingmi a si. Pakhat an phit dih poah in a phitmi ningin a dang phit ding a um lai. Test tuahmi a har le fawi hi siangngakchia i thiam ning hoih in remh (adjust) piak a si lai i hi nih hin siangngakchia nih an thiammi le tuah khawhmi taktak a kan theih khawh lai.

* ILEARN eu computer nih siangngakchia an thiam ning hoih in ca phittermi (computer adaptive assessment) a si. Computer Adaptive Assessment kong hi fiang deuh i theih nan duh ahcun <http://www.doe.in.gov/assessment/assessment-literacy> ah hin zoh khawh a si.



3. ILEARN nih zeitin dah siangngakchia dihlak a bawmh Khawh hna lai?

Online testing system hi a tuah ning a fawi ngaimi a si i siangngakchia nih test tuah tikah thil an herhmi siloah tuahpiak herhmi (features & accommodation) siangngakchia nih fawite in tuahpiak khawh an si lai. Siangngakchia nih an theihmi langhter nak ding thilri le hmanrua thar hman ding a um fawn lai.

- * Hngalh lomi zohnak (glossaries) ah siangngakchia nih an fian lomi bia le sullam thim ding an zohter khawh lai. Glossaries hi English, Burmese, Arabic Mandarin, Vietnamese le Spanish in tuahmi um lai.
- * Siangngakchia ca'h authentic tool timi catial tik i biafang fonh cheknak, dictionary le cauk hman ding pawl hmanter khawh an si lai.
- * Demos calculator (tang 6-8 pawl mathematics cawnnak ah) man lo in demos.com ah hin hman khawhmi a um lai.
- * Spanish holh in lehmi (English version in tuahmi) Mathematics, Science le Social Studies caah a um kho lai.



4. Kan fale nih ILEARN an phit dingmi i timhtuahnak ah san a tlai dingmi thil (resource) zeidah um lai?

* Indiana's Released Items Repository tuahmi <http://www.doe.in.gov/assessment/ilearn-sample-and-scoring> ah hin siangngakchia nih hman khawh dingmi thilri le a dang (tools & features) an chiahmi zeimaw zat hi hman khawh a si.

- * Indiana's ILEARN Portals nih hi assessment kong lung fian khawhnak ding a konglam le thil sinig hi <http://ilearn.portals.airast.org> ah an chiahmi zoh khawh ding a um lai.
- * ILEARN kong he pehtlai in biahalmi phit/lehnak (answer) hi the ILEARN for Families website <http://www.doe.in.gov/assessment/ilearn/families> ah hin zoh khawh a si lai.



5. Siangngakchia nih ILEARN an tuahmi an hmaak ripawt hi zeitik ah dah kan hmuh lai?

* Final score le score reports hi August 15, 2019 in Online Reporting System ah sianginn nih zoh khawh a si cang lai, Kum 2019-2020 thawk in cun report hi siangngakchia nih test an tuahmi in ni 12 chung ah sianginn nih hmih khawh dingin a um cang lai.

- * Reports ah hin a tlangpi in siangngakchia nih an cawnmi cattang i an hlawhtlinmi (achievement) le a dangdang hmaak (subscores) pawl a hmuh ning a langhter lai.
- * Nulepa le zohkhenhtu nih zeil bantuk (items) zawn theng ti khammi um lo in hmaak hi tuahpiak (rescores) than dingin hal khawh si.

Biahal duhmi nan ngeih ahcun INassessments@doe.in.gov ah hin kan pehtlai te uh.